



國家清史編纂委員會·文獻叢刊

四編

清代稿鈔本

第一五七冊

國家清史編纂委員會·文獻叢刊

四編

清代稿鈔本

第一五七冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社

·廣州·

第一五七册

春秋傳說薈要

春秋傳說薈要

十二卷

佚名撰

鈔本

春秋傳說薈要卷一

謹遵

欽定春秋傳說彙纂

御纂春秋直解

御案孟子言春秋天子之事蓋謂春秋本諸侯之史名分混淆史

體乖舛夫子脩之其名秩則一裁以武成班爵之舊其行事

則一律以周公制禮之初故曰天子之事者猶天子之史云

爾說者不察而以為夫子行南面之權則近於夸矣

隱公

名息姑惠公十四年即位

左傳惠公元妃孟子孟子卒繼室以聲子生隱公宋武公生仲

子仲子生而有文在其手曰為魯夫人故仲子歸於我生桓

公而惠公薨是以隱公立而奉之孫氏復曰詩至黍離而

壬午正月

降書至文漢之命而絕春秋乃作

紀元年周平王四年

公元年者何君之始年也

歐陽脩曰人君即位稱元年常

事耳未脩春秋前固已如此月曰正月爻曰初九皆不言一也

春王正月

御時月皆時王所改不曰王春正月而加春于王者蓋行夏時案之志寓焉矣正者王事之始春者天道之始王所為者系之以王天所為者冠之以春三正迭用惟夏得天欲王者上奉天時必以得天為正蓋春秋為尊王而作故以王法正天下春秋為萬世而作故以天道正王道也不書即位者左氏以為攝公穀以為讓而杜氏預釋之以為不行即位之禮故不

書即位此定解也胡傳謂仲尼首絀隱公以明大法義恐未
安夫君行即位之禮則書即位不行則不書孔子安得而筆
削之乎

左元年春王周正月不書即位攝也

公春者何歲之始也何言乎王正月大一統也公何以不言
即位成公意也何成乎公之意公將平國而反之桓曷為反
之桓桓幼而貴隱長而卑其為尊卑也微國人莫知隱長又
賢諸大夫扳隱而立之隱于是而辭立則未知桓之將必得
立也且如桓立則恐諸大夫之不能相幼君也故凡隱之立
為桓立也

穀雖無事必舉正月謹始也公何以不言即位成公志也焉
成之言君之不取為公也君之不取為公何也將以讓桓也

孔氏穎達曰三代異制正朔不同正是時王所建故以王字冠之言是今王之正月也

朱子曰劉質夫以春字為夫子所加但魯史本謂之春秋則似原有此字又曰文定春秋說夫子以夏時冠月以周正紀事謂依舊是十一月只是孔子改正作春正月某便不敢信

據今周禮有正月有正歲則周實是元改作春月

三月公及邾儀父盟于蔑邾父音甫凡人名地名放此凡書邾公並作邾婁蔑公穀並作昧

御邾儀父附庸比于天子元士應稱字左氏謂未王命故不書案

爵其說為長

左邾子克也未王命故不書爵公攝位而欲求好于邾故為

蔑之盟曰儀父貴之也

夏五月鄭伯克段于鄆

左傳初鄭武公娶于申曰武姜生莊公及共叔段莊公寤生驚
姜氏故名曰寤生遂惡之愛共叔段欲立之亟請于武公公
弗許及莊公即位為之請京使居之謂之京城太叔祭仲曰
都城過百雉國之害也先王之制大都不過參國之一中五
之一小九之一今京不度非制也君將不堪公曰姜氏欲之
焉辟害既而太叔命西鄙北鄙貳于己公子呂曰國不堪貳
君將若之何欲與太叔臣請事之若弗與則請除之無生民
心公曰無庸將自及太叔又收貳以為己邑至于廩延子封
曰可矣厚將得衆公曰不義不暱厚將崩太叔完聚繕甲兵
具卒乘將襲鄭夫人將啟之公聞其期曰可矣命子封帥車
二百乘以伐京京叛太叔陵段入于鄆公伐諸鄆五月辛丑
太叔出奔共書曰鄭伯克段于鄆段不弟故不書弟如二君

廿四

故曰克稱鄭伯譏失教也謂之鄭志不言出奔難之也

秋七月天王使宰嚭來歸惠公仲子之賵

御案左氏謂子氏未薨其謬不待辨矣穀梁謂仲子為惠公之母

母以子氏例以成風亦合但史記年表惠公即位於平王三年至隱元年歷四十七年而其母始薨似太久遠當以公羊說為是宰為冢宰則劉氏敞之說得之

公宰者何官也咺者何名也惠公者何隱之考也仲子者何桓之母也何以不稱夫人桓末君也

九月及宋人盟于宿

御案左氏云公立而求成似謂公自盟趙氏匡劉氏敞以下皆主

焉胡傳謂內外皆微者以有宿國之故志之亦通若穀梁以宿為邑則非矣穀梁又謂卑者之盟不日夫凡盟皆日不日

闕也莊九年書公及齊大夫盟不日二十二年書及高侯盟
乃日何耶

左惠公之季年敗宋師于黃公立而求成焉九月及宋人盟
于宿始通也

冬冬有二月祭伯來

御祭伯書來諸傳皆以為執公羊獨以為奔祭伯書伯諸傳皆
以為魯公羊獨以為字當以左注為是不書來朝穀梁謂不
正其外交諸儒多因之程子謂諸侯不行覲禮王不能治而
祭伯反與之交其持議尤正

左祭伯來非王命也

穀來者來朝其弗謂朝何也襄內諸侯非有天子之命不得
出會諸侯不正其外交故弗與朝也聘弓鏃矢不出竟場束

脩之內不行竟中有至尊者不貳之也

公子益師卒

公何以不日遠也所見異辭所聞異辭

庚二年十年王五春公會戎于潛

左二年春公會戎于潛脩惠公之好也戎請盟公辭

夏五月莒人入向

左莒子娶於向向姜不安莒而歸夏莒人入向以姜氏還

無駭帥師入極

左司空無駭入極費公父勝之

秋八月庚辰公及戎盟于唐

左戎請盟秋盟于唐復脩戎好也

九月紀履輸來逆如冬十月伯姬歸于紀左綸音須履綸作裂繻

直伯姬者先公之長女也。內女為諸侯夫人，書歸者五，而伯姬獨書送，以後遭紀變而憫之。且其姊叔姬之賢，不可不錄，故姬之歸，不得畧而於伯姬之歸，特書送以明其為嫡也。

左九月紀裂繻來送如卿為君送也。

公紀履緌者，何紀大夫也？何以不稱使？昏禮不稱主人，然則曷稱稱諸父兄師友？

程子曰：先儒皆謂諸侯當親迎，親迎者，迎於其所館，有親御授綏之禮，豈有委宗廟社稷而遠適他國以送婦者乎？非但諸侯即卿大夫而下，莫不然也。詩稱文王親迎于渭，未嘗出疆也。又曰：周國自在渭傍，况文王親迎之時，乃為公子，未為君也。又曰：送之者，雖公子公孫非卿則不書。

紀子伯莒子盟于密。伯左作帛。

左傳紀子帛莒子盟于密魯故也 杜注子帛裂縞字也莒魯

有怨紀侯既昏于魯使大夫盟莒以和解之子帛為魯結好
息民比之內大夫而在莒子上稱字以嘉之也

公紀子伯者何無聞焉耳 程子曰闕文也當云紀侯某伯

莒子盟于密左氏附會作帛杜預以為裂縞之字春秋無大

夫在諸侯上者公羊穀梁皆作伯

十有二月乙卯夫人子氏薨

御子氏薨三傳互異左氏以為桓母固非矣公羊以為隱母先

儒謂妾母不當稱夫春秋之初禮法尚存不得以成風敬嬴

為比惟穀梁以為隱妻義為長故程子及胡傳皆從之

穀夫人薨不地夫人者隱之妻也卒而不書葬夫子之義從

君者也

楊氏士勛曰左氏以子氏為桓公之母公羊以為隱公之母
穀梁以為隱公之妻者以隱推讓據其為君而亦稱公故其
妻亦稱夫人也夫既不葬故其妻亦不葬而左氏桓未為君
其母稱夫人是亂嫡庶也公羊以為隱母則隱見為君何以
不書葬若以讓不書葬何為書夫人故穀梁子以為隱妻也
鄭人伐衛

左傳鄭人伐衛討公滑之亂也孫汪氏克寬曰滑共叔子鄭莊
志欲殺段又欲絕其嗣而夷之去年以王師虢師伐衛南鄙
又請師于邾今再伐衛窮兵黷武遷怒復怨不貶絕而罪自
見矣

辛酉三年十一年五春王正月己巳日有食之
御案 公羊以日食為異程子辨之以為災是也先儒又謂德

之休明則當食有餘非也乃治歷者測之未精也
穀日有食之何也吐者外壤食者內壤闕然不見其壤有食
之者也其不言食之者何也知其不可知也

三月庚戌天王崩

左傳三月壬戌卒平王崩赴以庚戌故書之

夏四月辛卯尹氏卒

尹左作君

御案 歐陽氏修曰公羊穀梁以尹氏為正卿左氏以君氏為
隱母一以為男子一以為婦人得於所傳者蓋如此是可盡
信乎

毛奇齡曰策書本闕此事而左氏以己意改尹氏作君氏且
以隱公母聲子當之謬矣今仍攷策書隱公為公子時曾與
鄭戰于狐壤而隱公被鄭獲囚於尹氏尹氏者鄭大夫也公